



林榕江先生集目錄

第十一卷

奏疏五首

上 武宗皇帝乞養病疏

上 今皇帝乞改任疏

乞養病疏

再乞養病疏

為康懿公請卹典疏

狀一首

兵曹處置事宜狀

第十二卷

家傳

先康懿公編年行述



第十三卷

序十二首

送督學邵端峯先生遷湖省大叅序

贈諫議平嵩劉子赴闕序

送知運葉君德來奏績序

送郡侯朱青岡先生入覲序

送督學高一所先生遷江西序

送憲長朱安齋先生擢浙江方伯序

送大方伯江樓錢先生之楚序

竹林教贈序

送少村先生之任江臬序

第十四卷

序十首

送少宗伯致齋黃公序

贈大方伯心齋先生之任山東序

贈督學樸溪先生擢江西大叅序

贈督學江午坡先生奏績序

送亞叅程羅山先生擢雲南兵備序

儒林鳳翥序

送介石保昌序

送大中丞玉泉王公督戎四省序

贈郡侯胡慎齋先生奏績序

送平野沈先生叅知江藩序

送舒先生掌教莘序
贈光祿正卿東洲屠公序
贈大司成雲岡龔先生序

第十五卷

序七首

送大叅知夏浦先生擢江西憲長序

竹棣贈言序
玉堂省侍序

贈石梁先生遷滇南叅伯序

贈贊禮姜素軒還京序

送大中丞姜侑溪先生巡撫湖省序

送僉臬龍田鄭先生擢湖廣亞叅序

第十六卷

序八首

懷封永德序
槐庭貽穀序

石雲序
永敦篇贈王東湖

橋梓榮恩序
贈少尹胡茨溪臺獎序

大觀奇遊篇
贈郡大夫劉伍齋臺獎序

第十七卷

序十首

報慈隆壽序
壽鄭母林太宜人序

壽鄧母蘇太孺人序
謝大母周太夫人貞壽序

張母厲太恭人壽序
壽碧洲陸老先生序

壽尊師東泉姚公序
壽龔母林太安人序

壽高母林太孺人序

百拙鄭翁同壽序

第十八卷

序九首

耆壽同榮序

貞壽篇

南山遐壽篇

壽師相桂翁夏公序

王壽母李太孺人貞壽序

壽總督大中丞東厓虞公序

鶴壽篇壽卞鶴臯

壽許母太恭人序

吳誠齋壽序

第十九卷

序十二首

佩蘭子集序

道南祀典序

南巡政教序

賜告錄序

鰲峯雅集圖序

刻鶴圃清音序

因知記箋序

卮言餘錄序

湖西詩集序

禮闈品膳錄序

皇明名臣言行集錄序

崇思思德錄後序

第二十卷

碑文十首

福建都指揮使司題名記碑

迎龍橋碑

南察院重修碑

閩督學東泉姚公生祠碑

重修通都橋碑

敬牧堂碑

福清修復南河碑

清白堂碑

重建武夷書院碑

古田徐侯興學裕民碑

第二十一卷

記十四首

累朝恩命錄後記

靜觀樓記

卹忠記

遊西湖記

水雲居記

滕氏歷世遺像圖記

惇菴記

迎旭軒記

榮隱堂記

滄溪記

山屏洪氏祠堂記

榕江八友記

兩川琴適記

恕齋曾公憲伯祠記

第二十二卷

傳七首

石處士傳

周先生小傳

恪翁傳

兵部尚書前福建叅政劉公

吏部尚書前福建按察使馬公

書郭貞齋傳後

東野翁傳

第二十三卷

誌銘十首

明故光祿署丞賓竹姚公墓誌銘

明中憲大夫雲南按察副使備窓陳公墓誌銘

南寧府知府進階亞中大夫少石李公墓誌銘

明處士得齋李君暨配林氏墓誌銘

明故郡文學榕石謝君墓誌銘

建安俊士楊子申甫墓誌銘

明隱翁杏莊藍君墓誌銘

明故林母陳太孺人墓誌銘

明前工部主事方巖郭公墓誌銘

明封太孺人謝母商氏墓誌銘

第二十四卷

誌銘九首

明鄉進士謝子道安墓誌銘

曾石泉墓誌銘

雷母鄒孺人墓誌銘

林孺人葉氏墓誌銘

明故庠士仰止林君墓誌銘

明中憲大夫雲南姚安知府青厓黃公墓誌銘

明福州左衛指揮僉事心泉林公配孺人謝氏合葬墓誌

銘

亡妹黃介婦孺人林氏墓誌銘

明雲騎尉百夫長松澗林君墓誌銘

第二十五卷

行狀三首

福建左布政使恣齋查公行畧

明故都察院右僉都御史南澗林公行狀

前南寧同知東湖張公行狀

第二十六卷

行狀二首

福建左布政使質菴范公行狀

中憲大夫廣西慶遠府知府玉泉林公偕配陳宜人行狀

第二十七卷

書十首

與徐伯和書

寄高吾陳公書

寄皇甫子浚

會泉守顧前山同年

寄劉平嵩

寄松江朱青岡郡守

寄吳泉亭惟新書

奉太宰整菴羅公啟

寄雲川舒侍御簡

與方平洲簡

第二十八卷

祭文十九首

祭白湖外舅鄭公

祭建安楊都憲母周太夫人

祭邊亞卿母范氏太夫人

祭馮長官伯清

祭東閣大學士東川劉公

祭少宗伯甌濱王公

祭少谷鄭先生

祭廖師賢

祭宮保大司寇見素林公

徵仕陳先生哀辭

祭王平山

祭陶園楊母

祭倪質菴先生

祭南澗翁

祭龔菊坡先生

祭郭方巖

祭寒泉叔文

祭方伯范質菴先生

祭蔡西岸

第二十九卷

雜文十首

論 策問 說 凡三種

道論

定性後論

策一問

一齋說

卧壺說

秋谷說

第三十卷

雜文三十九首

贊 卦 凡二種

孟孝子恭武像贊

范文正公像贊

皇明名臣補贊

尚書林莊敏公聰

尚書項襄毅公忠

尚書程襄毅公信

尚書王端毅公恕

知府岳公正

布政使夏公寅

定襄伯郭忠武公登

尚書陳康懿公俊

少師馬端肅公文升

僉都御史高公明

都督同知王公信

少保秦襄毅公紘

尚書耿文恪公裕

都御史鄧襄敏公廷瓚

按察使楊公瑄

知府張公寧

尚書周文端公經

尚書張莊簡公悅

侍郎黃公孔昭

尚書劉忠宣公大夏

尚書倪文毅公岳

都御史張簡肅公敷華

都御史戴恭簡公珊

侍郎謝文肅公鐸

尚書許襄毅公進
尚書韓忠定公文
都御史王公雲鳳
都御史孫忠烈公燧
寺丞黃公輩
給事中賀公欽
孝卦

尚書章文懿公懋
尚書吳文定公寬
尚書王文莊公鴻儒
御史陳公茂烈
副使許忠節公遠
僉事黃公仲昭

林榕江先生集卷第十一

奏疏五首

上 武宗皇帝乞養病疏

不肖男世璧編梓

禮部精膳清吏司主事 臣林炫謹奏為乞恩養病以全微軀事 臣
福建福州府閩縣人由正德九年進士十年十月內伏蒙 聖恩
除授前職到任以來將及二載緣 臣賦質孱弱幼多疾病今年三
月間感冒風寒痰嗽屢經調治暫可復作但念荷蒙 聖明錄用
敢惜微軀夙夜不遑扶疾在任不意爾者六月內前證轉加徒發
嘔吐喘熱鼻衄諸證伏枕一月有餘愈覺虛怯胸膈鬱結氣不流
通手足麻木痰火怔忡雖欲勉強支吾實由心腹受傷病根深痼



殆非旬月所可愈者若乃虛糜廩祿不無曠職瘵官之患伏望
聖恩俯垂矜恤乞 敕吏部照例放回原籍調治候病疴痊可之
日赴部聽用則涓埃之報敢不竭犬馬之愚臣不勝感戴之至

上 今皇帝乞改任疏

禮部主客清吏司主事臣林炫謹奏為乞 恩改調以便任使事
伏念臣生長南方質稟孱弱今年夏秋以來復感痰氣流結發為
瘡瘍時可時作扶疾在任延醫調治皆云氣血壅滯不服水土之
所致也恭惟 聖物^明御極萬物快覩凡在臣工雖退處山林者亦
皆相率彙征馳驅効用以臣之愚敢不瞻戀 闕廷鞠躬盡瘁但
臣實膺前疾病起相半屢經在告深愧瘵官伏望 聖恩乞敕吏
部照依近年主事林達王世芳改任南部事例將臣一體改任南

京相應衙門使臣得因土調治少盡犬馬圖報之心不為 聖朝
之棄物此臣之至願也亦臣之至幸也干冒 天威不勝戰慄之
至

乞養病疏

南京禮部儀制清吏司署郎中事主事臣林炫謹奏為懇乞 天
恩容令養病事伏念臣稟賦素弱資性多愚養生既昧^理攝之方治
病未過良醫之効以致痼疴未脫新疾復萌過飲涼劑元氣中傷
忽于本年七月以來感患瘡瘍流結痰^氣結怔忡手臂風痛不便舉
止具呈本部給假調治延今日久未見痊安俸祿虛糜職業曠廢
雖欲循資而冒進實緣內視以增慙是以犬馬之心思報徒切奈
何蒲柳之質勉強莫能伏望 聖慈俯垂憐察乞 敕吏部轉行

南京吏部照例查勘放回原籍調理臣則訪醫愈疾庶幾全造化之微生力學守身豈甘作 清朝之棄物臣不勝感戴激切之至
再乞養病疏

南京禮部儀制清吏司署郎中事主事臣林炫謹 奏為再乞天恩容令養病以全微軀事伏念臣稟賦素弱幼多疾病先年一次陳乞回籍調治一次具奏不服水土改調南京荷 國厚恩誓惟捐軀未足以圖報也不意今年七月以來舊疾復作謹已具本于九月內奏乞放回養病未蒙該部施行臣見今病臥床褥三月有餘俸糧照例截日住支外委得元氣虛憊盤藥罔効遍體膿血疳羸之形人所共見仰惟 聖明御極大溥仁慈凡在草木鳥獸無不遂其成若之性臣歷俸將及六年循資而進豈無半級奈何

獨嬰疾疾沉綿不得與材智之士効用奔走此臣之不幸懊懷流涕自恨而不能自己者也用敢再瀆 宸聰伏望 聖恩乞敕吏部早為行勘一面令臣給引回還原籍調治前病倘得生全自當竭犬馬之力如成痼廢甘心為田野之人臣無任哀鳴激切戰慄之至

為康懿公請 卹典疏

禮部精膳清吏司郎中丁憂臣林炫謹 奏為懇乞 天恩賜給祭葬贈謚以光泉壤事臣原籍福建福州府閩縣人由進士歷任前職臣父林庭栢由宏治十二年進士歷任兵部主事員外郎郎中蘇州府知府雲南布政使左叅政間乞 恩終養蒙 武宗皇帝聖旨是林瀚歷事累朝名節無玷今既年高有疾林庭栢暫准

在家侍養仍著本處有司時加存問以稱朝廷優待舊臣至意欽
此欽遵服闋補江西布政司叅政歷陞湖廣布政司左右布政使
都察院右副都御史巡撫保定等府南京兵部右侍郎工部左右
侍郎嘉靖十四年八月陞工部尚書嘉靖十五年十一月該工部
會題節該奉 聖旨宗廟大工告完朕心嘉悅內外官員效有勞
勩宜加陞賞林庭楫加陞太子太保賞銀六十兩紵絲四表裏欽
此欽遵嘉靖十六年六月內自陳衰病乞休奉 聖旨卿以老疾
具陳情詞懇切准致仕著有司月給米二石人夫二名應用欽此
欽遵續具本詞謝復奉 聖旨覽卿具詞知道了著給驛去該衙
門知道欽此欽遵復蒙 欽賞路費新鈔三千貫于本年十月內
抵家于今年七月二十九日中風疾作八月初三日身故伏念臣

父孝友天植問學家承蚤由甲科叨事 三朝履官一十六任敬
歷中外夙夜憂勤勞瘁清慎貞慤求忠于其職而風節譽聞終如
其始至我 皇上特蒙簡用屢奉 敕旨督理工程如 九廟

陵寢 慈慶 慈寧二宮 清馥殿 皇史宬城垣等工前後六

載鳩工集財節費務期集事嘗條陳省營造處織造計工料專官

守等疏屢荷 優容采議 賜予晉秩實逾分涯至于事干權要

必加裁抑遠東勤事旋復底寧是皆父職分所當為仰賴 聖主

之明鑒也歸日蒙賜廩輿馳驛路鈔 恩出殊典及到家瞻 天

仰 聖歌咏太平訓誨于孫世受 國恩勉竭忠孝以圖補報 臣

一向因病家居于十九年八月內蒙 欽依起用復除前職即促

臣就道効勞供職間 臣父病故查得先年太子太保刑部尚書洪

鍾等俱蒙 殊典賜給祭葬贈謚與臣父事體相同伏望 皇上
俯念臣父犬馬微勞乞 敕該部查照事例將臣父 賜給祭葬
贈謚差官造墳以均 恩典以光泉壤臣舉家存歿不勝感戴之
至

狀一首

兵曹處置事宜狀

南京兵部武選清吏司署員外郎事主事林炫呈為陳膚見以備
采擇事竊惟南京 祖宗根本重地近年以來軍民窮困日甚誠
宜加意撫恤謬以膚淺之見謹陳一得之愚如左伏惟采擇施行
一革幫錢訪得南京黃馬快船小甲極為受害蓋非難于供
送船隻而困于逼討幫錢遞年裝載進鮮鱒魚楊梅新笋

青梅魚鮓等物及各鹽局起運竹木板枋皮張竹器香料
等項先年事例俱要滿載近年管押內臣人等既不滿載
多索船隻又輒將小甲拷打勒取幫錢每船一隻或五六
十兩少者不下三四十兩及到裏河又違例搭附客貨強
取夫錢以致小甲一次傾家蕩產富者貧貧者逃莫敢誰
何邇來每船小甲三家朋當坐是之故誠恐年復一年三
家不貧則逃又何以編而役之所宜按本塞源深究其弊
如蒙上議于 朝通將合用船隻遵奉 登極詔書逐一
清查某起可省某項可幾年一運定為則例務從減省及
裝船之時俱要十分滿載仍禁約不許索要幫錢如有仍
前虐害者先將手下有名撥置之人拏送法司治以重罪

干碍職官另行叅奏如此庶小甲不致逃竄而甘心領運矣

一清夙弊訪得各衛所襲職優給優養官舍告替復役解到軍丁各該行查勘給文書到衛每被該管官員刁蹬索要紙筆錢見面錢方與用印畫結否則任意遲延數月者有之半年者有之貧官窮軍只得撮借俸糧以填豁壑之欲合無今後各司各置花欄小票每遇前項人員領文下衛即給票一紙上寫行查文書不許過五日行勘保結文書不許過八日如某官某吏刁蹬索錢若干指實填寫文書通完之日繳票各司查攷每月終通類呈堂比較如屬府者或該府遲延亦要明白開註如此則被害人役不難于

控訴各該官員自畏于法守而夙弊可革矣

一通融阜隸訪得南京衙門每年春初各處未有解到柴薪直堂應得之數無從給發各官所恃養廉之資往往艱得深為未便合無今後年終寄庫之時量留若干明立簿籍以為下年春初借撥之用本年解到者照數補還寄庫下年又復如此則既不虧官帑之儲而又得濟私家之用誠為甚便

一清馬政切以國之大事在于戎戎之大用在于馬南京馬政素為廢弛萬一有警臨時措脩良難舊例有本部官并科道官查點馬匹奈何法久弊生人心玩愒合無委官親詣各營查點見在馬匹若干椿頭地租銀兩若干管隊官

員有無侵欺如馬匹缺少即將二項銀兩量為買補訪得
南京御馬監原養馬匹歲費錢糧不貲不惟無補于朝廷
抑且深有害于軍民如蒙查出馬匹送營騎操養馬旗軍
各還營伍庶武備得以充實錢糧不至于妄費矣

林榕江先生集卷第十一

林榕江先生集卷第十二

家傳

先康懿公編年行實

不肖男世璧編梓

康懿公諱某字利瞻號小泉始祖光州固始人避亂入閩卜居城
南一舍許開化里林浦遂世為閩人曾祖諱觀以文安公貴贈南
京吏部尚書以公貴贈太子太保工部尚書祖元美永樂辛丑進
士歷知縣知州知府咸志名宦以文安公貴贈南京吏部尚書以
公貴贈太子太保工部尚書父諱瀚號泉山成化丙戌進士改庶
吉士歷官翰苑春坊南京吏兵二部尚書贈太子太保諱文安行
載 皇明名臣錄為詳曾祖母蔡氏祖母鄭氏先贈夫人以公貴

皆贈一品夫人母莆田東里黃氏封孺人累贈一品夫人慈順淳
懿與文安公比德焉成化壬辰五月二十日丙辰午時生公于長
安官舍公幼穎異不凡五齡口占奇觀對十二善屬文書過目成誦
丙午公年十五侍文安公還闕祭掃丁未喪母哀毀踰禮宏治辛
亥公年二十娶一品夫人鄭氏郎中克和公女壬子公歸闕應舉
補郡庠生乙卯四月伯子炫生秋鄉試中式二十四名丙辰會試
下第八國學文安公任祭酒公內奉庭訓外友天下名士為麗澤
會己未公年二十八會試舉春秋第一人梓經義表二篇主司太
宰白樓吳公司空西峰趙公批卷曰奇傑之材也以得人自慶
廷試二甲第二人賜進士出身觀戶部政庚申授兵部武庫司主
事督放京衛官冬衣條範周密大司馬端肅公亟稱善薦為調職

方辛酉奉命查錄戎冊于南都時文安公為南冢宰省侍踰年
癸亥事竣還部九月仲子煬生乙丑陞職方司員外郎正德丙寅
陞武庫司郎中大司馬忠宣劉公襄毅許公賢公如端肅忠宣公
方屬孝廟倚任釐革庶務以京城鋪甲閭閻踐更豪右影射驍騰
四衛勇士冒食官庾私役內豎皆委公查正公不避強禦稽減清
革人皆稱便戊辰會試充同考官所舉如松石劉公瑞石江公可
泉胡公皆名士未幾薦調職方郎中職方掌邊務公更練精熟凡
圉地險易將帥良懦無不周知每當聲息報至手削案藁洞中機
宜至于用人進退惟公人心犁然及曹元為大司馬值逆瑾竊權
元瑾故知部事率意更張公持正弗嬖姍以徇會張綵在吏部與
瑾謀改公為御史蓋欲籠致已用公力辭不能忤綵正德己巳公

年三十八陞知蘇州府公郎署俸已十年且在職方不宜復擢郡
乃緣銜公故云既抵郡悉心民事百策綏戢庚午辛未二年七邑
大水為災公疏陳小民窮苦萬狀曰蘇為財賦所自出茲一望成
湖城市乘舟地靡寸草若再徵稅民必逃竄因而生變臣為郡父
母何忍民之就死地而不言也須盡蠲糧稅以甦困苦兼乞停織
造內臣罷額外繁征請許墅鈔關銀以備賑濟疏入戶部難之時
逆瑾猶在毒焰方張公不計禍虞再疏以陳又移書當道縷切言
之戶部始定災傷十七餘者豐年帶徵公即諭示免納田里歡聲
如雷夫蘇兩值重災多故公惟以簡靜不擾治之民獲安堵公之
功也他如各邑歲輸止閱實易牒轉達諸司舊謂羨餘絕無所與
待過客以禮豐約得中處鄉宦以誠冷要例視僚友間以內職遷

人設城府公恂忱恭慤畢露肝膽體諸私事有若已事於是胥致
敬愛退無後言屬吏賢而文者則畧去崖岸和詩文以示崇雅考
校郡彥遇卓越之士亟為獎拔盧憲副雍以童儒見公試一表奇
之為白督學黃侍御如金連登科第有文學名觀風察史李廷梧
潘銳蘇錫謝琛成文原軒諸公屢騰剡薦一巡撫好立威變法間
怒色厲言公屹不為動崑山令方棠陵豪曰林公招之不來麾之
不去撓之不濁澄之不清壁立萬仞者也少傅守溪王公曰厥膏
不屯厥守不滂不振不諱吳民其孚復書告徐崦西吏侍曰林公
今之真循良也居蘇三載擢雲南叅政去童叟擁道泣別車不可
行有儒生上詩曰山陰父老青錢百難買吳民淚兩行蓋實錄也
至今往來道蘇聚觀塞巷或繪圖像以肅瞻奉縉紳士書札問遺

如在郡時壬申六月之雲南公遍巡夷徼景東諸郡逋糧積數十年設法令各司毋拘舊例牛馬布帛皆准納賦就以給武弁久缺之俸彼此欣然土官爭襲至相仇殺徐以一言斷之無不帖服雖道非所轄事或艱處撫按多推公往亦不辭勞癸酉鄉試外簾提調梓文半出公手甲戌捧表入賀萬壽子炫舉進士公曰吾親老矣禮成懇乞終養疏曰臣父年八十有一日薄西山奄奄氣息朝夕念臣惟恐不得一見臣朝夕思父恐欲見無期萬里關山夢魂迢遞興言及此中心如焚容臣致仕侍父杖屨以終餘年疏上武宗皇帝若曰暫回省父不准休致公既抵家復上疏曰臣父哀病日侵聞臣啓行輒增憂歎臣衷腸如割進止兩難非不知君親一致忠孝一理既已委質為臣義當鞠躬盡瘁但古云求忠臣

於孝子之門臣若勉強就道萬里分違僅以念臣之故憂病不虞則臣乃不孝之子天地間大罪人也有臣如此陛下將焉用之容臣致仕終養老親武宗皇帝若曰林瀚歷事累朝名節無玷今既年高有疾林廷楫暫准在家侍養仍着本處有司時加加存問公聞命喜不自勝同文安公望闕稽首謝於是侍側五年子炫以禮部主事謁告還闕同隨侍于山水宴會曲盡天倫之樂已卯公年四十八九月文安公捐館公哀毀如喪母力襄大事服闋漠然無意仕進巡按胡公文靜沈公灼特薦王公以旂汪公珊申令有司勸駕會吏部擬公補江西叅政今上皇帝嘉靖癸未之江西巡撫盛公應期體尚尊大獨待公以殊禮檄修江西通志公秉筆嚴正詳覈有良史之風焉乃與巡按秦公鉞疏薦甲申九

月陞湖廣右布政乙酉二月轉左轄明出納端儀範藩祿軍儲處
給有方諸司習尚苛刻公獨秉正崇寬卑官賴公保全者衆乙酉
提調場屋猶雲南也是冬入覲闕庭廷銓部考天下藩臬治行
以公為第一丙戌夏復任巡撫黃公衷聶公賢巡按司馬公泰王
公秀交薦丁亥公年五十六六月陞都察院右副都御史奉
巡撫保定等府兼提督紫荆等關八月到鎮即疏革真定抽分木
植內臣及議處泛濫驛傳撫安軍民數事威望赫然先是有巨力
者媒藥公短謂文名則亨政聲未著與石菴蔣公輩回籍聽用焉
內閣遂菴楊公語人曰內而職方外而蘇州天下之政莫難於斯
職方蘇州夫既優為之矣乃政聲未著邪戊子抵閩明年己丑科
道劉公世揚周公煦會薦御史戴公金特薦五月推南京大理寺

卿七月陞南京兵部侍郎十二月抵任南京錦衣武弁由傳乞陞
授及戚畹推恩匪汗馬功勳者不下百餘員公疏請罷免降殺同
浚川王公廷相寅恭協政凡中貴貢獻多索鮮船每減抑其數且
疏聞著為令馬快船甲極累我伍一遭是役動輒破家公復立劃
一之規差撥以時歲省船六百餘省官糧七萬餘而小甲者省幫
助私費不貲需害之徒斂不得肆矣壬辰夏考績調工部右侍郎
七月至京尚書缺員獨掌部事因彗星見條上四事曰省營造以
節財用大畧謂郊壇大工相繼興作南城西苑鼎構維新丁丁
之聲歲無虛日雇役之費月計萬金採辦之使相望于途轉運之
艱號呼載道府庫之積日漸空虛伏望皇上身先儉約以率天
下凡有興作悉從節省所謂寬一分百姓受一分之惠也曰處織

造以供賞賚大畧謂天下織造拖欠數多所解本色色鬆薄不堪
宜查原派價值徵銀解部庶易於完報人沾實惠一舉而三益具
焉曰計工料以省冒破謂一應修造止據內監派數無憑稽考宜
令本部科道會估辦用工匠先儘在官不敷雇覓庶冒濫之弊可
以漸革矣曰專官守以司出納謂節慎庫錢糧既多文代頻煩宜選
專選一官以主其事疏上蒙 優容採納秋九月 上御凝翠殿
宣召因同大宗伯桂州夏公見 上出秋日書懷詩親洒宸翰命
和詩成進覽 覽賜尚方珍饌癸巳正月轉左侍郎督理內外工
程如城垣石窩倉塲啟 啟祥宮 清馥殿東西兩所三月 上
幸太學公侍坐 彛倫堂賜茶聽講初工曹堂署失火延燬公至
擗節財力重建一新爰爰記于石曰禹作司空惟卑宮室孔子春

秋門觀必書凡我寮屬務體國如家毋妄費毋濫役爰養民力庶
無負 朝廷委任古聖遺軌也甲午六月恭侍 上視地南城齋
宮改建 皇史宬 上自撰記曰監事等官司空庭榻勞績功勤
之所由成也歲承金幣之賜又 賜御製詩文書籍及時鮮梅藕
枇杷鱒魚諸物因各處災傷疏請取回天下采木燒造郎中張淑
等五員內府每年取用銅鐵器皿動至數千萬斤公言銅鐵堅久
之物豈一年即壞縱至損壞猶可修補請立五年一修十年一造
之規歲省民財數十萬兩十月時享 太廟捧 武宗神主冬調
兵部左侍郎擬陞兩廣巡撫都御史南京兵部尚書皆未拜 命
乙未三月 上命之康陵祔葬 莊肅武皇后梓宮山間夜坐為
風襲左手足頗艱動履醫治良愈遼東軍士激變稱亂廷推大臣

往勘上以公兼職僉都御史領敕以行疏四事曰請發旨意榜
文以安人心催督撫臣赴任以安地方選擇司府官員以備委用
會同巡按勘處以便事情上皆允之又移書巡按曾公銑密授
方畧及首惡姓名俄而悉擒如法一方底寧于是曾公奏疏言公
始陳諸事邊人已信其施為既遣勘章裨將咸知其約束身雖未
臨于境界謀議懸合乎機宜宜加獎進以答忠勤上賚公金幣
還朝陞工部尚書適遇朝廷營建九廟七陵壽宮
行宮慈寧慈慶二宮奉先崇先養心文華諸殿工費億萬萬
計公晝夜焦勞處劃務期事集而民不擾嘗上疏曰欲取之于官
則所積有限所用有常欲取之于民則海內蒼生或加以師旅或
因以飢饉或困于轉輸採辦誠恐上無裨於國用下有損于邦本

雖萬死莫容于自贖也不得已議借內帑開納例又上疏曰連歲
以來工役繁興各處災傷徵輸匱竭南征北伐軍餉不貲實難加
派小民仍借兵部柴薪馬價通惠河扣省脚銀及將一應工程酌
量停罷獲俞旨惟內殿宮期速完餘悉停止此公贊襄盛典
因事納忠憤切極言以回天聽也天聽也丙申公年六十五三
月上幸南城公亟趨見龍德殿上曰朕親閱視太廟工程
卿等督率勤勞賜饌又宣召同諸老議謁天壽山陵累朝曠
典一旦舉行且駕出倉卒當事者茫然無措公分授能屬凡道
路橋梁行幄器用不二三日輒治六次扈從往返若不知其難者
蒙恩恩賜麒麟通袖紗羅衣二襲攢刀銀瓢鸞帶諸物上自
擇吉壤于陽翠嶺及周視各陵明樓香殿公皆隨行咫尺天

顏時賜茶食餅果內醞 上在陵所紀述有七言律公恭和以進
上覽稱善五月祭告 奉先殿捧 憲宗主八月祭內殿十二月
行 大裕禮皆捧主賜酒果醢醢 宗廟工完加陞太子太保賜
銀幣公辭加官 上弗允益感知遇殫心竭力至忘寢食凡諸權
貴有所私請多裁抑之於是不悅者衆先是兩陳休致荷 溫旨
不允丁酉二月 上耕籍田點充九卿行九推禮公目覩財力不
給經營無策寔切隱憂兼慮前疾乃夏六月懇乞休致得 旨卿
以老疾具陳情詞懇切准致仕仍給月廩與人應用 陞辭之日
全馳驛歸復 賜路費寶鏹三千貫公奉讀 綸音感激泣下賦
詩曰五世受恩千載遇六旬解組一身輕犬馬有心終戀主不堪
揮淚望春明至闋日惟與親朋故舊開朋樂園飲酒賦詩歌咏太

平明年戊戌 慈寧宮成

上賚公銀幣于家己亥春卅立 皇

太子正位東宮公表啓遙賀

上有具悉忠愛朕心嘉悅之諭庚

子八月子炫蒙

召用禮部精饌郎中炫思親年高不忍離公訓

之曰世臣圖報今屬於汝胡可不恭趨

明命乎促令治裝炫赴

闕辛丑公年七十秋七月星隕所居北二十九日公辰坐堂上對

客話忽風疾疾作八月三日丙辰申時遽終正寢嗚呼慟哉九月

訃聞京師炫五內崩潰號呼莫違恨不即死乃具疏以聞禮部覆

奏曰公學有家承業濟世美始則孝養於親終則勤事於國宅司

空協成郊廟之規晉宮保蚤上止足之義據法應得祭葬贈謚訃

聞 上悼惜輟視朝一日諭祭者九謚曰康懿工部覆題本官歷

敬中外蔚有才名砥行始終似無異議令所司具棺木差許進士

嗣宗督造墳塋吏部覆題早承家學夙負才名晚躋卿曹荐登宮
保勤勞有裨于 郊廟恩寵無間於始終蒙贈少保恩眷優渥可
謂備矣公天性至孝早喪母語及必泣待母族極厚往莆展祭外
祖澹菴墓或勸遊九鯉湖公曰吾此來非為徵夢也文安公合窆
慟哭痰壅幾殆先祠墓歲祀雖疾必躬泣置義田以贍本宗刊族
譜以遍遠族遇族里之卑微者亦接以禮悖篤無間待賓客延款
困倦朋友之交久而不渝正德初權奸用事同鄉給事中許洞江
天錫以強直自裁人皆畏避公獨斂其身後同僚黃主事昭矯詔
勒停黨禁方嚴公疋馬往別河澣位司空時同憲王正郎宗徐士
人璘卒皆助以棺斂躬送遠郊復捐俸倡義重為王君造墳立石
表焉心極仁慈坦率人告危難必委曲為之處力不能然後已不

記人之過不逆人之欺或心知其詐亦不形於言公刺蘇縣令鄧
文璧為人誣巡察移怒欲去其官公力掄獲免富家子朱慶繫冤
獄十八年瀕死公廉其枉出之同列曰公盍不避嫌公曰人命至
重也而官至難也吾為逢迎上司遠嫌張譽而不恤人之命若官
吾不忍也公問學宏深所著有小泉奏議日錄有交際禮志鱗鴻
集廷賓紀巨細皆書公配鄭夫人相公以柔嘉安敬聞以內整然
子即炫煬承公蔭太學生女二長恕適閩清庠生鄭瀾次憲適太
學黃梓孫世璧閩庠生孫女天瑩適邵庠生劉鴻鵠翔天增許聘
陳主政子九德公兄弟九人友愛于子始終如一兄庭桂成化庚
子貢士蚤卒無子煬為後弟庭楷輸粟授指揮僉事庭杓慶遠知
府庭樟廣東都司經歷庭榆瓊州推官庭枌歲貢士庭枝正德已

郊貢士卒庭機嘉靖乙未進士翰林院檢討公自擇葬域于本里樟林山之原丁位癸向嗚呼公生平行誼莫能詳述矧荒迷中執筆隕絕不能記亦不能文也伏惟立言鉅公太史采之為狀為誌為碑為銘為辭為輓以垂不朽焉

林榕江先生集卷第十二

林榕江先生集卷第十三

序十二首

送督學邵端峯先生遷湖省大叅序

不肖男世璧編梓

端峯先生之督學閩中也惇浚以建其體光大以宣其用賁雅以式其文堅勇以定其志蓋崇理放辭昌跡括樞因吾之有而為之教也是故庠序章逢之士聞而躍觀而跂不勸而奮起焉一年而信二年而化三年而成且彬彬然盛矣其應於公也居則以忠孝為勉行則以禮義為先言則以壅達為則學則以敏毅為基夫居忠孝其體建矣行禮義其用宣矣言壅達其文式矣學敏毅其志定矣體堅建足以任躬用宣足以束物文式足以輔世志定足以

尚古教立而道行矣謂之人材之盛也詎不信哉蓋先生高明淵
穎身任斯道之責匪揄匪貌不棘不徐其見之威儀動止之間言
語條格之外要皆性命之章著焉先生昔魁天下入翰林為太史
氏濟華要而近清光宜若不屑於吏事者然方回翔郡署歷仕兩
省嘗攝憲篆于凡錢穀刑名簿書期會精嚴綜覈老吏讐服是故
經濟之術具存胸中久矣入而股肱元后出而當一面之寄推
在我者而施之豈不恢恢乎有餘地哉子思子曰能盡其性則能
盡人之性而馴至于贊化育而與天地參焉先生之學求盡乎性
者也無入而不自得者也奚內外勞逸之足計乎哉茲遷湖藩叅
知行有日吾郡邑師生依依不忍舍乃有私戚于用人者失輕重
之倫復有蔽賢久滯之嘆炫謂不然乃舉先生所用之大者如此

以解其惑夫士之志于道而能盡其性者毋忘先生之教可也

贈諫議平嵩劉子赴闕序

余與平嵩劉子實夫謂為知己也詎不信哉夫四海九州中國彈

丸余與劉子俱閩人產同地也人生無窮百年有限生乎吾前不

可接也生乎吾後不可待也劉子長余六年生同時也劉子與余

癸酉同燕鹿鳴先後入仕劉子給舍余主客部仕同朝也丁丑劉

子引疾歸劉子居嵩麓余居瓊河之濱杜門謝客處同志也劉子

喜吟咏凡觸目山水之奇雲烟之變魚鳥之適天時人事之錯乎

吾前者一於詩焉發之必要余和余有所作劉子亦不鄙而和之

然皆道吾之性情而已不屑屑以求工文同好也獨以劉子澹泊

之操純粹之衷汪洋之量有高千古之志而退然若無所知有康

濟四海之材而欲然若無所與是則劉子之所能而非余之可得
而同也嘉靖戊子劉子疾良已將起趨闕廷無以為買舟之費
久之而後能行夫劉子正色立朝侃言讜論乃其職也余何言為
贈哉余聞唐李德裕曰人臣忠諫有二道欲道行於君可使身安
國理者其辭婉欲名高後世不顧身國者其辭訐今我國家當
全盛之時主上聰明神武樂聞諫說無所事訐矣存大體畧細
故諫之道也劉子欲有言乎審於此而已矣雖然余非無用世之
心也顧病深膏肓骨既味養生之本又乏明醫之遇蓋山林之人
耳甘與草木同腐劉子雖強余行余安能從哉夫五同而二不同
不害其為知己也劉子毋棄予乎哉正月上元日余水雲居瀟茗
摘蔬燒蠟煮笋以別劉子湖西張子廣陵鄰方巖郭子澄卿咸來

會別蓋皆所謂同心之友也客醉既去余遂書此為贈云

送知運葉君德來 奏績序

夫國家求士為天下用也非士之求用于天下也是故用在人用
之在我位之崇卑職之清濁事之繁簡惟所遇而已卑矣吾視之
崇焉濁矣吾視之清焉繁矣吾視之簡焉執其一以御其萬足乎
內不願乎外也其庶乎稱其為士而無忝哉餘干葉君德來蚤歲
讀書負有用世之志荐歷場屋不偶乃膺貢拜

命知閩醴運幕事未幾以憂去服闋仍守其官夫醴政掌財賦蠲
集而蠲蠲况處賓幕之間鬱而弗施議者謂葉君其不屑乎此也
歟君則夙夜在公介然自守車塵若不知其勞也米鹽若不知其
瑣也脂韋若不知其近也嘗奉檄督理逋課方兩月完及數千弗

事鞭楚民咸德之而且退然若無能為者按閩侍御楊公嘉其績
特移文以禮獎之賢聲日起若葉君不可謂之有用之材也哉茲
當奏最銓曹仰惟 聖天子方簡拔英俊授銓相以登滯程良之
任若非拘拘於資調之常者葉君豈不大有所遇以益展其材猷
而酌其夙昔之志邪抑余考周禮鹽人有苦鹽散鹽形鹽飴鹽之
別今之鹽滇蜀出于井河東出于池浙閩出于海閩尤異于淮浙
者彼火而此日也是故陰晴之不時風波之不便課額遂虧而行
鹽境狹私貿如市厥利愈微矣夫國家節天地自然之利以助什
一之稅誠裕國之道也奈何邇來邊儲不充商灶兩困補偏救弊
之術豈無可講求而規畫者乎君善舉其職必悉其故矣 陛見
之後有可以裨 廟堂之議者吾尚當傾耳為君聽之也君之先

子別駕力雲先生以材德稱于鄉方卒業橋門時吾祖文安公雅
重其人吾父取以為友吾叔事以為師蓋通家之雅三世矣于君
之行不能已於情遂書此為贈且以為有志於用天下者告也焉

送郡侯朱青岡先生入 覲序

夫今之郡者周之侯國也其職遂大夫之職也遂大夫掌其政令
戒禁聽其治訟稽其夫家田野正歲簡稼器修稼政三歲大比則
帥其吏而興眊明其有功屬其地治蓋宗覲以比邦國之功殷同
以施天下之政由來遠矣然自虞廷黜陟幽明周官考厥制度之
後漢而下皆未之能行寥寥千餘載至我 皇朝始定藩郡三年
一覲之制各統其屬而獻其事乃大計群吏之治而進退之即虞
廷周官之典也於戲盛哉上海青岡朱先生之守吾郡也未期月

耳而政令之惟仁而肅也戒禁之惟章而達也治訟之惟允而恕也夫家田野之惟核而公也父老子弟呼之堂下煦煦諭告勉以孝弟力田稼政之惟式而體也興造賢俊程良掄滯涇渭判矣悖率庠校申飾踐履文行郁矣撫察屬治昌實括浮禮威立矣夫若是藉以覲天子之廷則廉而善焉而能焉而敬焉而正焉而法焉而辨焉備之矣其不稱為循良吏也夫蓋先生由名進士承其家學出宰奉化餘姚稱名縣尹執白簡立臺侃侃論諫兩巡江右風采凜然稱名御史及出守也議者猶有憂未忘本如蕭望之云者以惜公也不知聖君賢相之重乎民也重民則於所親近者先焉莫親近乎守也所以望于先生者厚也否則輕守是輕民也民輕而天下國家輕矣其可乎然則優之以禮秩加之以恩賚增

爵錫金超登鄉輔不有望于今日哉我朝致治之美比隆虞周端在是矣先生行且有期鄉大夫士謀所以為贈者遜吾父以言則已諾四庠師生之請矣乃命炫為之序

送督學高一所先生遷江西序

夫教化王者之大務也古昔盛時家塾黨庠遂序而皆有其地焉師之以父師少師焉養之以禮義聲音采色焉節之以舞蹈疾徐升降焉式之以洒掃應對進退焉考之以六德六行六藝焉是故士斯成于賢而教斯達于用治隆俗美卓乎為不可及也後世學校之建雖遍天下而志于干祿蹈利已爾程言競浮曹舉遺行名存而實蕪人材日以衰替風俗日以漓薄而下焉者愈荒其心術耳矣則何益之有哉肆我聖朝特設提刑重臣董一道之儒政

而督率之蓋崇正學也迪正道也復三代之化于今日也於戲休
哉臨海高公一所先生以按察少憲奉勅蒞任于閩則曰來爾
諸士爾知國家所以教爾養爾者乎是故舍以聚之祿以廩之
役以復之科以升之豈惟爾榮固將責爾以扶植元氣匡輔生民
云也爾弗能士匪爾之咎曰予之辜也爾其勵乃行端乃心盡乃
性曰孝弟曰忠恕日用之間有餘地矣奚假之外也爾其勉哉夫
文以達辭孔氏家法也惟行所當行止所不可不止如青天白日
如高山大川毋跛毋棘毋尾瑣毋巧削予罔不嘉爾于是乎叙躬
行之士進平實之文表道南傳授之祠昭伊洛淵源之旨稽丁祀
音樂之制秩鄉射燕飲之儀啓養正之堂聚列郡之秀備東西之
社嚴童習之格蓋一本諸古人立教之意而奉聖制以周旋惟

謹焉者也期年之間士習丕變日趨于盛皆有以萬踐履重倫義
而尚理道華彬彬然雄傑之材且輩出矣大哉作人之功于
公見之焉茲秋忽遷職西楚以行士多悵然如嬰孺之去慈母如
農夫之失其歲不可強而致者亦安能強而釋哉雖然公之教楚
無以異於教閩也楚之士其有為象山之學而流于簡徑者乎其
有為六一之文而傷于萎弱者乎是公所宜察而正之者也炫辱
公年知受愛于公敢從諸搢紳之後而以是贈焉

送憲長朱安齋先生擢浙江方伯序

我皇祖立國內罷宰相而設六曹蓋即相任也是故邦之治焉
邦之教焉邦之禮焉邦之政焉邦之刑焉邦之事焉參錯而屬各
有攸司放周官之意也天下革藩鎮而設布政司即古之行省外

相之任也而錢穀甲兵禮樂刑政皆得以行之與內異者何歟蓋
內之勢重也弗可專也外之勢輕也弗可貳也 聖謨宏遠法制
詳審百餘年來綱維體統如臂使指內外成磐石之固萬國定維
城之業夫豈偶然哉是故內得一人焉以相則為天下之賢相而
天下治矣外得一人焉以相則為一方之賢相而一方治矣一人
之進其閥繫有如此者吾閩憲長沙河安齋朱先生奉 詔遷浙
之左方伯所謂一方而得一人者也乎先生嚴凝之操堅如金石
清白之履皎如冰雪衣無華采食惟蔬糲公之恒也公在閩且二載
貞度肅儀發之以毅洗冤澤物宏之以仁而泣事之勤恪法律之
精明又先生之餘也先生嘗謂予曰學有根本焉枝葉焉根本固
所當培而枝葉亦不可不養使根本植矣而枝葉瘁焉豈體用之

學乎又曰知行非一也亦非二也有知而行者有行而知者惟其
知之真而後行之至惟其行之至斯為知之真嗟乎先生之學可
謂自得之者矣憶昔甲戌之春炫也獲侍先生奉 廷對為同年
進士先生即被選為御史巡歷東藩風裁峻整出守鞏昌循良練
達既而副臬叅藩所至聲望赫赫然顯故茲正位台省以安一方
之人吾同年未之或先也恭惟 聖天子在上宵旰孜孜法古勵
精簡賢圖治拔公而升先生何以答知遇哉雖然先生之學也而
得其道有自得之妙矣推所蘊而施之治必經而紀焉教必安而
擾焉禮必和而諧焉政必平而均焉刑必詰而糾焉事必富而生
焉由是入居卿曹輔弼 聖君為天下之賢相亦公之分內也夫
何疑哉察寅公諸公例有言贈授簡于炫炫辱知于先生以道義

相規勉久矣不敢以樸遯不文為辭謹書其學與政之大者如此
為浙之人賀且將為天下之人賀焉

送大方伯江樓錢先生之楚序

左方伯江樓錢公自閩徂楚八月乃行僚友合而餞焉例有言贈
諸公乃授簡于炫曰子其颺言辭不獲則敬告曰公在閩也二養
矣是故昭制以淳惠肅躬以修潔剛直以立勇勞謙以示大夫惠
者公之仁也潔者公之介也勇者公之義也大者公之量也仁以
居之介以本之義以行之量以受之相天下之道也於一方奚有
哉公嘗定犴卒之變設笑而麾綜試闡之繁章程咸度文詠醇和
書隸適美公之藝也夫方伯古之諸侯也漢以下為都督節度安
撫制置我皇朝肇建藩司以布一方之政而甲兵之餉訟獄之

理皆得以兼之至于錢穀賢材山澤田里蓋寄休戚于一人焉其

盛緒

任之重且艱也何如哉湖省在昔為楚大國也所謂西有黔中巫
郡東有夏州海陽南有洞庭蒼梧北有陘塞郟陽地方五千里帶
甲十萬粟支十年天下莫強焉者也今胡不然哉以地而泥塗以
產而涼弱而民日貧而賦日急而俗日偷而符牒郵驛日旁午
焉以吾父嘗為是邦而庭訓之飲聞也公之治楚也安戢而振起
之于公乎望矣天子之用公也無意乎哉公登戊辰進士筮仕
刑曹司奏牘也君子曰明貳臬齊魯慎揚激也君子曰允長憲廣
右持風裁也君子曰貞閩也甘棠之恩廣矣深矣不預為楚人之
慶乎雖然有柱史者薦公折衝禦侮之材宜拊循于邊徵銓部乃
舉之于東遼恐不日而中丞之俞命下矣晉陟台榭康濟元元

吾聞與天下將胥受其福也豈楚之所得專哉敢書此以徵且為贈焉

竹林教贈序

竹林教贈贈吾弟貞和氏也曰竹林者二阮竹林之義也夫竹林之遊曠達不檢君子奚取焉取其情厚云爾夫達而不檢厚斯取焉然則禮義正直弗私而和氣藹然于家庭之間如吾家者豈非君子之所取乎貞和斯行也奉明天子命入太學讀書蓋吾父亞卿三載考績息典也叔父思泉先生以杜詩嗣宗諸子姪早覺仲容賢合群從子姪分韻賦詩教而贈之俾炫序叙曰夫貞和茂年粹質幼學約履紈綺子弟之習絕無也處郡校有年而不遇良有司之錄茲晉遊成均友天下士聞見益廣問學益充安知不一鳴

而空冀北之群乎然此非予所望也維今奉母太淑人以行周旋慎重至京之日內娛綵侍外勵詩書樂何如也夫定省無違孝也藏器待時忠也吾弟于忠孝不負矣余也退耕田野杞人殷憂上不得忠于君君時例所拘烏烏私情下不得孝于親余也天地間一大罪人也而奚言以贈子哉雖然我文安公家訓曰讀書立身曰孝弟為人曰德義保家裕後子聞之素矣文安公以宗伯亞卿考績時大人已登仕版余方五齡經府玉泉叔父承廕焉子承廕吾子世璧亦五齡余亦濫從大夫之後事之巧會如此謂非天哉且吾聞父子九卿一門兩廕蓋僅見焉噫嘻吾家今日可謂盛矣譬之樹焉結實多其根必傷譬之日焉既過中其光必減余固每凜凜然欲修而未能也子知之乎日在親側飲食起居無非教

也惟毋忘文安公之訓與諸叔父之言

送少村先生之任江臬序

夫大丈夫壯猷一時雄名千載折衝方面之寄總持三尺之法而豈易哉必有見焉卓犖以發之學焉邃永以博之德焉醇厚以基之材焉充周以行之夫然後用固弗績績固弗孚也南海吳先生起家名進士筮仕留都民部所司錢穀也先生則慎出納允會計燭微瑣滌奸蠹一時郎署之賢必曰少村少村載叅閩藩所司猶錢穀也先生則正簿書惠氓庶端儀範介操履一時方岳之賢必曰少村少村去奉^歲璽書專督版籍閩土硯鹵賦稅涼弱丁戶稀少然其弊至夥也先生則躬親夙夜窮稽米鹽比方授程必使里之征額惟均年之力役如一是一故貧者安富者畏飛且匿者遠矣

一時清理版籍之功恐亦未之或先也今秋又膺

簡命擢江臬

少大夫兵備饒郡先生以厥事未竣乃留逾月竟完報而去夫先生之任刑也兵也以刑言之其靜而易乎以兵言之其和而威乎是故人鑑止水弗鑑流澌以其靜也人窺明鏡弗窺金鐵以其易也靜者知之宅也易者神之府也是故藏形於無遊心於虛變化消息無所凝滯者和也止如邱山疾如風雨窮高測深莫知其門者威也和者治之本也威者行之機也嗚呼若先生之定見定而學宏德碩而材達隨試而效斯固其優為也已矣于江臬也奚有哉 聖天子在上舉賢登俊恒若不及若先生者不久處于江臬也先生行吾邦搢紳相率餞送于郊惓惓不能別而俾炫為之序

送少宗伯致齋黃公序

夫有真儒之學有大臣之功三代臯夔伊周聖輔也厥功靡儷也
已漢有董子焉唐有韓子焉宋有周程朱子焉皆真儒也禮樂教
化之言朝上江都膠東之相夕行淮蔡既平乃遷刑侍佛骨一表
遂刺潮陽再入吏部竟虛鼎鉉炳烺猷業文焉已矣若夫司理御
史說書提刑用而未咸進而未復斥皆未極夫平章昭明之任由
漢而來真儒之效不見于天下聖人之道徒寄諸言語簡冊之間
若是而道終不可行乎噫固然也夫奚以謂之真儒也舍抱陰陽
獨立物表洞性命之原究變化之理恬愉虛靜與造物遊窮而不
懾達而不華無為而無不為也其真儒乎奚以謂之大臣也高朗
正大簡重博厚剛能容衆善不近名上熙覆載下遂群生難進而
易退正己而物正者也其大臣乎夫惟真儒也而後稱乎其為大

臣焉惟聖人在九五也而後有以宏其學集其功焉四明致齋
黃公蚤登甲第志希聖賢以真儒自期待慨然思康濟宇內徊翔
南署出守大郡未幾由光祿正卿起拜少司馬委蛇廟堂士望歸
焉公乃以微事激衷直言忤主左謫閩藩叅知政事扁舟遨遊
武夷周覽形勝遍和權歌既抵會省而山水之趣愈濃登九仙攀
石鼓望海門雲濤出沒放乎大觀公復畧去崇高詢間疾苦往往
散步巖谷之間而不知其曾居卿相之會也夫非內顧而見其大
焉篤學而得其妙焉烏能然乎今年秋天子念公久勞于外特
召為少宗伯盖倚毗密勿之漸矣明良千載際會孔艱公何以答
知遇哉亦惟曰攄真儒之蘊以永大臣之功道弼聖君仁惠元
元躋美臯夔伊周之輔視昌黎而尤過焉斯曰我公之休炫父貳

職邦土辱公同 朝荷繾繾寔深炫也輒以同榜之雅忘其踈遠
庸陋從諸鄉先生之後而贈之言如此云

贈大方伯心齋先生之任山東序

夫君子豫天下之事者存乎材用天下之材者存乎氣孟子曰吾
善養吾浩然之氣蘇子曰天下之所少者非材也能辨其小不能
辨其大則氣有所不足也何謂氣是不可名也氣之所加則已大
而物小夫蘇子非知言者邪聞右藩大夫心齋先生通人也正德
末年為監察御史巡視居庸時 武宗車駕將遠狩于上谷雲中
公三疏極諫陳不可狀按劍閉關以死自誓 先帝霽容群小沮
色八駿乃旋後月餘公往白羊紫荆諸處亟回而 聖駕遂出矣
夫抗萬乘而格巡遊批逆鱗以試不測振骨鯁于方靡之秋安人

心于既危之日壯哉難矣先生奚恃焉蓋所謂浩然之氣者存也
是故大而不驚繁而不亂艱而不憂樂而不蕩天下之事非氣之
過人者孰能辦之炫也銜伏南海之濱側聞先生出守延安安養
綏輯有豈弟之稱焉提刑陝臬持平懸明有貞肅之譽焉叅知東
藩敷化宏載有旬宣之休焉長憲三晉齊魯吏嚴民畏有澄清之
聲焉泣聞未久視篆逾時則協寅操誠振窮恤隱有山岳之鎮焉
君子曰心齋善為政矣無往而不宜詩曰左之左之君子宜之右
之右之君子有之先生其有本哉夫政以施材者也材以氣達者
也氣者其機也材者其御也有氣斯有材有材斯有政公今擢左
轄于山東也位益崇體益尊事益練望益孚負荷益大地之省于
歷民之習于惠輕車熟路何以加諸起而輔弼疑丞以安邦國以

辨天下之事固先生之優為公昔叅藩嘗致書時宰諷其開言路
宥狂直為盛德事則使公為宰也有不受言而容人乎足以占公
之蘊矣公行三司諸公例有言贈乃授簡于炫俾炫也叙之

贈督學樸溪先生擢江西大叅序

閩憲學樸溪先生以嘉靖甲午陽月考最覲于天子便輶歸省
其尊甫補齋翁母胡太安人戀戀不欲行翁作教曰行哉吾未哀
也爾勤王事斯靡盬之秋矣胡可稽諸先生蓋留踰時屬廷薦為
江右叅知政事陛下曰可檄且至公乃得以優游梓里承顏庭
闈極滄瀟之養而盡斑斕之歡也既蒞任閩臬舊僚例有言贈以
炫辱知于公授簡徵言炫曰先生之在閩也炫適屏伏九曲山中
日與父老農漁者游而獲聞公之政也蓋公之學也淵邃雋永有

以博其基焉履也光輝介特有以立其本焉衷也坦和粹白有以
約其體焉材也敏敷周詳有以宏其用焉其教士也迪以心性而
知趨抑以恬夷而知省示以讀法學則而知方導以養蒙塾表而
知始開以麗會而知習質以疑難而知問程以經史而知武進以
德行而知耻是以三載之間歲化而月異勃然以興相觀而善諸
士皆能魚魚循循以造于正大光明之域而人材日盛矣謂非先
生之功可乎先生昔令于樂清而稱良稱仁焉佐于銓曹而稱明
稱貞焉茲之叅藩也舉而措之于治也奚有哉雖然錢穀簿書易
惑而多清群吏胥史伺隙而售巧視士子文字有間矣先生抱康
濟之具品法制之詳精以察之威以鎮之勢如解竹目無全牛淺
劣之言何足以為贈邪炫竊有感焉三代而下儒者之功用不見

于天下雖朱子立朝不滿四十日惟著書山林以惠來世耳何則
上無好道之君故下無行道之臣也先生朱子之鄉人也操志之
勇且嚴以朱子自期者也我 皇朝表章六經崇高聖道患人不
能行耳未有行而尼之者先生不日位益高澤益溥而道益行俾
儒者之功用復見于天下豈非天下學士之幸乎先生之大父僉
臬公諸叔少司馬少宰中丞宦轍皆寓閩中遺愛為烈猶今之德
教留閩至深也炫通家之雅三世矣于公之遷固不能已於情者
矧重以諸公之請哉於是乎書

林榕江先生集卷第十三

林榕江先生集卷第十四

不肖男世璧編梓

序十首

贈督學江午坡先生 奏績序

夫君子有性命之學焉粹于躬曰德也賁于履曰道也昭于用曰
文也立于經曰政也昌于則曰教也行于遠曰風也夫德裕則定
靜道明則衡一文著則敬信政守則行理教尊則紀端風廣則化
淵六者非他也性與命也是故滲乎其合一芴乎與我俱生洞乎
其窮無極眇乎將不可得莫見其形莫聞其音日舍其精乃官于
心非天下賢豪其孰能與於此午坡江先生憲學閩中三年矣先
生之淑諸生也虛而篤德為之基矣大而生道為之樞矣或而易



文為之度矣剛而密政為之苞矣普而肅教為之類矣澤而延風
廬之王溫璋堅廉鮮茂清徹惟倚頓不失其贖也造父馭馬足力
遠道操轡也造父之所以馭馬者非操轡也奚仲為車機旋相得
斷削也奚仲之所以為車非斷削也海濱鄒魯閩稱盛士然其論
道或闕而未弘臨文或軋而未化公至則迪之以昭塗啟之以玄
鑰而多士惶然悟沛然興也若夫考校嚴公鬼神靡測也涇渭揚
抑水鑑靡私也表古籍闢異端則群經註疏崇正辨咸梓正焉蓋
先生穎特之資卓犖之材而兼以性命之學肆樹立之貞固而猷
謨之訏密也茲奏最闕廷吾知其舟不及帆輿不及轅而晉錫
之命下矣庸奚以為先生贈哉先生行期且亟閩播紳大夫將

別于西郊皆依依有不能釋之懷同年二倪于汝公惟朱氏謂林
子曰子其叙諸予非知言者獨念忝辱世雅文弗可辭且欲以詒
諸尊甫斗峯翁也於是乎書

送亞叅程羅山先生擢雲南兵備序

亞叅藩大夫羅山先生治于閩三年矣愛而不苛惠而不賂介而
不矯閩之人寔安于公頌聲作焉今年春奉簡命遷于雲南為
提刑副大夫兵備瀾滄姚安諸郡察察群公合餞于郊故事行有
贈乃問言于林子林子曰夫政必有經據經以守正事必有機炳
機以達權時必有要先要以示趨方必有俗察俗以定志是故正
者民之則也罇之以禮罔弗安矣權者民之宜也式之以智罔弗
豫矣趨者民之表也度之以規罔弗令矣志者民之衷也和之以

文為之度矣剛而密政為之苞矣普而肅教為之類矣澤而延風
為被矣夫莫邪之劍絕則羸文齒缺卷銛惟歐治能名其種也碧
盧之玉溫璘堅廉鮮茂清徹惟倚頓不失其贖也造父馭馬足力
遠道操轡也造父之所以馭馬者非操轡也奚仲為車機旋相得
斲削也奚仲之所以為車非斲削也海濱鄒魯閩稱盛士然其論
道或闕而未弘臨文或軋而未化公至則迪之以昭塗啟之以玄
鑰而多士惶然悟沛然興也若夫考校嚴公鬼神靡測也涇渭揚
抑水鑑靡私也表古籍闢異端則群經註疏崇正辨咸梓正焉蓋
先生穎特之資卓犖之材而兼以性命之學肆樹立之貞固而猷
謨之訂必也茲奏最闕廷吾知其舟不及帆輿不及轅而晉錫
之命下矣庸奚以為先生贈哉先生行期且亟閩搢紳大夫將

別于西郊皆依依有不能釋之懷同年二倪子汝公惟朱氏謂林
子曰子其叙諸予非知言者獨念忝辱世雅文弗可辭且欲以諭
諸尊甫斗峯翁也於是乎書

送亞叅程羅山先生擢雲南兵備序

亞叅藩大夫羅山先生治于閩三年矣愛而不苛惠而不賂介而
不矯閩之人寔安于公頌聲作焉今年春奉簡命遷于雲南為
提刑副大夫兵備瀾滄姚安諸郡察采群公合餞于郊故事行有
贈乃問言于林子林子曰夫政必有經據經以守正事必有機炳
機以達權時必有要先要以示趨方必有俗察俗以定志是故正
者民之則也疇之以禮罔弗安矣權者民之宜也式之以智罔弗
豫矣趨者民之表也度之以規罔弗令矣志者民之衷也和之以

利罔弗行矣吾聞羅山起家進士筮仕戶曹監視芻場通倉河西
舟稅保定軍儲明慎出納國計咸集由員外郎晉宣府郎中時宣
府桀卒以糧餼愆期關于臺府大變幾作乃委咎于前郎中於君
事聞朝廷有別選老成練達之命諸郎皆憚于行合詞薦公公曰
此正吾報荅之秋也遣家還新安佩璽書徑出邊關抵其境則見
夫驕將之怙勢尺五之馮法奸患日滋威權日削乃慨然而歎曰
斯固往昔姑息市恩之過也乃一切繩之以制覈偽實辨功苦錙
銖必稽逋負必責冒籍違例食于官者三千七百餘人痛湔削之
三歲計省銀百萬餘兩曹務生色邊鎮改觀焉夫惟一以存于中
洞以籌于外而後彼之讐服者罔余撓也近日大同之變安知非
招徠撫處之未盡其方乎而亦豈非永鑒哉或曰先生材優望隆

資深譽章遠之滇南疑于用人者有遺思歎林子曰不然滇南邊
徼山箐險阻蠻獠雜居寇偷潜伏易動而難安夫公之禦繁而弗
紊應變而弗懼以官而論賢滇南雖遠不能舍公矣雖然兵者危
事也備者全策也安其危振其策其必有道乎斯先生之素蘊也
已他日功益宏而位益晉非此而為之權輿乎行期且亟敬書此
為公別兼為之贈云

儒林鳳翥序

儒林鳳翥贈楊子而作也楊子教于樂邑邑士胥慶得師乃今典
文衡上春官恭奉 廷對翩然如鳳之翔于霄漢之上也夫鳳神
鳥也鶉火之精也是故有六像焉曰天日月風地緯有九苞焉曰
包命合度聽達詘伸色光矩朱銳鈎激揚戶行厥質之異也楊子

出西江文獻之邦東里名相之裔非鳳之丹穴乎質之似矣是故
負禮蹈信戴仁纓義非梧桐不棲非竹實不食不殘生虫不履生
草厥德之異也楊子和粹于衷介約于履作人以本接物以量非
鳳之靈瑞乎德之似矣夫其體備五色字成三文雙翹耀彩片毛
千金鳳之文也楊子燁然之辭紆寫性情裁綴今古標華魏科收
藻鬣彥其文章也非鳳乎夫其銜圖玄扈授璽中舟六英感舞九
成來儀鳳之見也楊子應時而出資長風以舉翰唳天衢而商翔
望阿閣而載止降紫庭而道光其出處也非鳳乎吾知楊子必飲
湍砥柱濯羽弱水司舜之晨鳴文之岐覽賈之輝立荀之池應張
之兆為劉之祥安能為輿之歌衰為雄之致詰也乎哉楊子行鄉
先生環谿陳子徵余言作儒林鳳翥序

送介石保昌序

今之庶職其難者曰邑令而寔易焉其易者曰庠師而寔難焉何
也蓋庠師出之教化則身為之程遠之禮樂則道為之本弗事刑
罰則德為之威邑之令若繁若勞若畏若抑然簿書期會毋失其
時訟牒繇賦毋固其衷俯仰酬應毋廢其度廉潔明恕毋隳其基
斯稱能吏矣則方之教化禮樂功不易覩而譽不先乎乎哉介石
子張先生少負奇氣綜覽群書縹古振藻宏治戊午鶚薦于鄉介
石子益自豪洞視康濟若建瓴水然再上春官弗偶介石子歎曰
余其淑諸人乎就注吏部得亳州學正以憂去載遷于海州于宗
德于會稽于處郡蓋足跡遍于淮楚吳越居庠校者幾三十年乃
擢知保昌焉其為師也悖以大之文以華之果以強之敬以肅之

大則弗偏華則弗陋強則弗柔肅則弗怠而士子觀而善安而成
彙而征所至胥慶得師于時弗盛矣乎是故在海則治桀胥以昭
憲在會稽則賙貧生以興義在處則考制以正鄉飲誨經以風紕
俗捐祿以逮鰥寡肆守待以殊遇民戴其遺惠焉君子曰介石子
胸襟之磊落材猷之超邁為不可及矣夫庠師之職難也介石子
若易焉茲之令也何有吾見其治矣抑聞之先生曾祖雪齋公伯
祖秋曹公父素菴公兄臞鶴公咸登進士第祖造士公伯父教授
公兄州博公助教公從子明臣解元今建昌通府時信咸以奧學
升于鄉書閩中稱宦族者莫先焉夫未盡之用遠大之期非介石
子之望乎炫也辱嫻雅之末從諸搢紳之後而申贈之曰斂固者
其施必光涉深者其行必遠金百鍊乃見其鋼松栢干霄乃棟明

堂先生必以禮樂教化神而明之收功于桑榆也豈徒事刑罰乎
哉請拭目以觀保昌之政

送大中丞玉泉王公督戎四省序

夫歷試而程能者明王之政也出勞而入任者人臣之義也量地
而拔賢者宰衡之公也迂進而大受者君子之貞也玉泉先生建
德王公始以京兆尹出叅閩藩內而外也崇而卑也士論駭焉曰
此非所以處王公也公其弗樂矣乎公顧泰然曰得之者命也遇
之者時也脩之者已也知之者天也吾奚容心哉既蒞閩則熙載
宏惠擴愛協寅布誠悉微知有民事已耳弗知勞也居一載而遷
右使又一載而遷副都御史總督江閩湖嶺四省戎務開府虔州
則內臺而魏階也士論始伸焉曰斯則王公之優為者矣可以賀

矣公顧歔然曰夫吾盡吾職焉吾榮吾道焉毀譽罔聞而升沉靡測也顧茲一方兵戎之寄拊循之責激揚之風繩糾之權寔重且難矣吾何以塞明命乎玆君子曰王公起家戊辰進士今且二十有八年矣為州守為秋官郎為僉臬為副臬為臬使為左右方伯車跡所之于燕薊于齊魯于貴竹于河洛于閩越是故涉閱之久練習之深而公又本之以醇厚發之以敏毅行之以坦直斯材德之蕪者也茲擢也見歷試之能焉見出入之義焉見薦拔之公焉見大受之貞焉公之崇爵庸功殆此其權輿乎抑虔臺源于宏治容菴金公首臨宜菴韓公繼之後皆改撫江省盜賊益起見素疏聞乃定設焉蓋次視兩廣而重過鄖陽四省之區山箐峭險風俗頑獷非公之蕪材則曷以統馭而安輯之哉家嚴以同經交于

公莫逆炫也有通家之雅三司諸公以贈言見屬固有不得而辭者遂僭之為序

贈郡侯胡慎齋先生 奏績序

嘉靖十有四年青龍乙未春端月 皇帝坐明堂朝諸侯詔天官卿廉天下群吏而進退之惟公惟明惟肅時則有若福郡侯慎齋胡公褒然舉天下賢守治行稱優乃 賜璽書還郡視事至則夏之仲也適郡中洪水為災大風繼作田疇蕩為巨浸稼禾弗植民益告病先生憂之晝夜諮詢籌畫凡一切不急之務皆罷去與民休息而又為之禱于山川神祇靡不盡厥心焉既而水退禾起頗亦有秋公曰未也民恫孔深稅將安出欲疏于上則歲月往返徒費楮墨耳欲徵于下則水火斯蹈何忍鞭扑乎遂請于巡察史藩

臬長貳曰舊賦以粟石七銖焉今易以釜石六銖其出之也視時
賈且益六之一焉可矣庶下受實惠而國課無損也皆曰然遂行
之民歡聲雷動曰公生我撫我至此甚也未幾滿三載書最績膺
上考將修覲 闕廷民間之多感激垂涕若將不欲先生一日去
焉者於是寮案群公張筵為賀兼以為別先生起而言曰余之得
釋茲重負也寔厯諸君子之憂雖然福郡也地磽鹵而產薄俗朴
野而人惇所宜簡靜臨之毋撓也寬大處之毋亟也民之不忘于
吾吾亦豈能遽忘吾民哉于是群寮咸起而觴行咏歌為先生贈
東川胡子賦南山有臺楠川陳子賦鴈鳩石澗朱子賦柔扈求吾
揚子賦采菽近菴桂子賦菁菁者莪先生曰颯颯乎大哉余曷克
承之乃賦隰桑明日群公造林子鶴圃草堂告之故曰子其叙之

林子曰樂只君子民之父母蓋言政也淑人君子其儀一兮蓋言
德也君子樂胥萬邦之屏蓋言木也樂只君子天子命之蓋言祿
也既見君子樂且有儀蓋言遇也群公之賦備矣予不佞敢推本
公之所以得民心者如此而後及贈處之義云

送平墅沈先生叅知江藩序

夫豪傑之士之稱雄乎天下也豈好爵榮名而已哉必有淵源之
學而後有光偉之政也必有卓犖之材而後有超越之志也慈谿
平墅沈先生以提刑副大夫秉節閩中仁以基之煦如春風嚴以
施之烈如霜霰明以理之晰如寒月厚以鎮之屹如泰嵩先生嘗
董文治矣示之以本而敦乎化行也又嘗清戎籍矣稽之以方而
井乎弗清也居閩雖未久而膚功峻業巍乎臺之巨瞻也是豈易

玆乙未季冬遷江右大叅知政明年春檄至蓋銓嘗叙其平雲南
之績然也雲南之績者何初先生為御史巡按雲南時值尋甸武
定二府土人倡亂殺吏攻城勢甚猖獗公挺身討之徵集列郡兵
甲象馬四萬有餘合群策群力一鼓而搗其穴再鼓而擒其魁未
四越月賊黨潰散地方底寧用釋九重南顧之憂天語褒嘉
遂有憲副之擢而議者尚以為未盡也且公又嘗知桐城矣表漢
朱邑墓尚愛也起宋黃山谷書臺崇文也立名宦鄉賢烈女三祠
昭訓也創桐溪書院尊賢也他如贍學有田禮射有器皆所以廣
風教于一方而尊之赤幟也夫即其政而覘其學由其志而溯其
材則謂先生為天下豪傑之士詎不信乎玆今且行矣江右一省
未足久淹先生也霖雨海內以安元元不無深望焉雖然昔有為

尉南昌者言天下之大計高隱南州者立百世之清風今豈無其
人乎先生下車之秋試詢之以寄聲于九曲山中此炫之望也先
生行且亟措紳士相率別于西郊之澣俾不佞為之言贈乃其所
以贈公者如此云

送舒先生掌教莘庠序

福郡儒學分教納齋舒先生進賢人也以明經貢于天子之廷
銓授來閩先生博大宣朗善迪群彥盎然和風居六載聲績用彰
迺遷掌山東莘庠教事瀕行寮窠諸君暨門下士微言于林子以
贈之林子曰余始識先生知為吾友翰撰梓谿之叔氏也梓谿以
直諫左宦提舉余辱同志昕夕聚談烏石山之下落落陳跡十六
七年今見先生猶梓谿也薰其德探其學而高其風也久矣茲遠

別胡可無言乎哉夫高山廣川必興雲雨靈區沃壤必宜黍稷雲
雨黍稷贊天之功而益民之生也是故國家政道之修明治平之
悠久其要則在賢才之衆多焉詩曰思皇多士生此王國又曰古
之人無斁譽髦斯士此之謂也夫學校之地師儒之官賢才之所
由出者也先生往矣母曰階吾卑也秩吾輕也事功吾微也惟長
育人材以為政道之用治平之基焉其有裨于天下國家豈淺淺
哉抑莘邑也北枕奔山西帶馬頰昔伊尹躬耕于野未三聘之勤
王祐植槐于庭報三公之子先生至試詢之尚有服襁褓而春犂
手虛精而宵炕者乎則語之耕與植非難也亦非本也盍相與樂
堯舜之道而修忠信仁厚之業也乎哉是先生之所以為教也亦
余之所以為贈也

贈光祿正卿東洲屠公序

三代而下世惟以賢才為重而國家興治平之道享隆長之禧亦
惟賢才為占之也是故持守者多抑畏則持守難敏達者多濶畧
則敏達難老成者多觀望則老成難詳慎者多迂曲則詳慎難賢
才之生有若甚不易者故曰才難不其然乎東洲先生四明屠公
起家辛未進士為御史侃侃論議正色立朝既而出守真定馳
譽循良嗣是則位益崇而政益著為山西叅藩為山東臬長為廣
東右轄稱貞稱明焉及為左轄吾閩也炫時卧病九曲山中日與
漁樵者游聞之尤悉則知公洞燭民隱劬比章程泉穀出納毫末
必稽水蘖操存始終如一蓋在閩雖二暮而八郡萬姓陰受其賜
感而悅之應而歸之如晨風之鬱北林龍魚之趣淵澤也今年春

二月 皇帝俞廷薦擢而為光祿正卿父老咨嗟嘆惋相與言曰
公之安輯吾人夏屋幷蒙而和風時雨也胡遽遷之而北豈廟堂
之上重光祿而忘遐方邪其為播紳者則又曰夫公之資深譽隆
矣大省之拊循漕務之督理公無不宜也光祿之任雖曰重矣然
米鹽之瑣細貂璫之侵撓兄而勞勞而弗芋胡惟公為居之林子
解之曰昔干氏曰選者為人擇官官者為身擇利此禮教之所以
陵夷晉室之所以不競也銓衡之以人事君公弗陂也東洲之以
身報 國直弗隨也是故以持守則介而剛也豈其所謂抑畏者
乎以敏達則宏而毅也豈其所謂濶畧者乎以老成詳慎則鎮定
而博察也豈其所謂觀望而迂曲者乎然則公之賢可知而光祿
之擢固不能舍公爾矣雖然宣徽使古有出為節度者公茲入也

必為卿佐疑丞弼一人以康四海兆治平之道延隆長之禧于國
家有攸賴焉夫何疑哉太宰丹山公為公之世父國相一山君天
官樾涯君郡守東涯君皆公之諸弟也郡守國望君公之從子也
炫先祖文安公為丹山公同年通家之愛有素矣公瀕行敬從諸
鄉先生之後為叙以贈云

贈大司成雲岡龔先生序

學士大夫年德尊邵者稱祭酒蓋凡燕會必尊長始祭酒官以是
名階崇而職可知也是故翰林^林天文字清華矣祭酒則有師之式
焉曹省衡石章程崇要矣祭酒則為道之管焉夫禮有二本君師
者治之本也 天子之元子十五入東學上親而貴仁入南學上
齒而貴信入西學上賢而貴德入北學上貴而尊賢入太學承師


問道而德智長焉公卿大夫元士之嫡子十八入太學學太藝也
履大節也祭酒為之師也太學之禮雖詔于天子無北而古之尊
師也若此其崇且重也何如哉是故祭酒之賢者于周得孫卿子
焉于漢得劉向焉于唐得韓愈焉于宋得楊中立焉皆詩禮老師
卓然樹立之大儒也不難其人乎今年南都祭酒缺吏部以春坊
諭德兼侍講雲崗龔先生名上 陛下曰可龔先生拜 命而行
告別于同鄉諸縉紳士先生曰余之遠君子始于此矣余聞之尊
嚴而憚者艾而信誦說而不陵知微而論可以為師矣余非好為
人師也夫良劍不加砥礪則不能斷矣良馬前無銜轡則不能一
日千里矣余認夫砥礪銜轡之無具也諸君子何以規之林子曰
政治本乎忠信也禮樂存乎文藻也教化行乎正已也道德隆乎

畫倫也先生稟英哲之資備醇邃之學識應沙合狀頭及第兆八
閩之文運會五百之昌期先生泰而和毅而惇高朗而宏大是故
忠信立其體也教化闡其用也道德揚其輝也文藻凝其精也南
雍泚止釋奠升席邕邕其來肅肅其見澡身元深宅心粵穆敦書
請業妍幾通理鋪以金聲光以玉潤異材鱗萃淑士雲浮積幹上
益于 國家餘輝旁及夫桑梓頌不偉歟聖人悅學崇儒不日召
居疑丞簡在台輔四海無浪三階底平寔先生分內事也聞先生
停車仁里定省北堂慎無夷猶其行以悅願望者之心韓子曰無
疾其軀天子有召林子曰請疾其軀 天子有召林子之子世璧
者先生之館甥諸縉紳咸賦詩林子乃退而為序

林榕江先生集卷十四



國



重刊元亨書

